

06 MAR 2000

Sukan-Hoki (Bawah 15)

PERAK MENANG BESAR, KALAHKAN PERLIS 8-1

KUALA TERENGGANU, 6 Mac (Bernama) -- Juara bertahan, Perak berpesta gol hari ini apabila mengalahkan Perlis 8-1 pada Kejohanan Hoki PHM/Milo/MSN Bawah 15 Lelaki di Stadium Hoki Batu Buruk di sini, hari ini.

Perak yang diramalkan mampu mempertahankan kejuaraan, turun dengan corak permainan pantas dan tidak mampu disekat oleh Perlis.

Perak mengganas sebaik babak kedua bermula setelah mendahului 1-0 pada separuh masa pertama.

Gol itu dijarangkan oleh ketua pasukan, Chandramohal Balachandran pada minit ke-33 diikuti gol kedua oleh Azli Mansor sebaik permainan disambung untuk babak kedua.

Perlis ternyata tidak begitu bermaya dan terus menderita apabila Perak menjaringkan gol bertalu-talu. Akmal Hafiza Hadi menjaringkan gol tunggal Perlis pada minit ke-59.

Dalam satu lagi perlawanan, naib juara tahun lepas, Terengganu seri 2-2 dengan Kelantan.

Kelantan mengejutkan Terengganu pada minit ke-51 apabila penjaga golnya tuanrumah Mohd Shahril Dol gagal menampai bola rembatan Mohd Zamzuhairi Wahab.

Bagaimanapun kegembiraan Kelantan itu hanya sebentar, apabila seminit kemudian Terengganu mendapat penalti yang disempurnakan oleh Mahathir Fitri Mokhtar.

Lain-lain keputusan:

Selangor 0 Negeri Sembilan 3

Melaka 1 Pulau Pinang 2

Kedah 1 Johor 5.

BERNAMA

ib zb